

# ՅԱՐԳԱՆՔ ՏՐՔ. Ե. Յ. ԱՐԴԱՆՇԵԱՆԻ ՅԻՇԱՏԱԿԻՆ

*Posted on December 14, 2014 by Keghart*



Category: [Opinions](#)



## ՄՐՏԻ ԽՕՍՔ ԴՈՒՍՏՐԵՆ՝ ՍԻՐԵՑԵԱԼ ՀՕՐ

**Հոկտեմբեր 31-ին Keghart.com կորսնցուց իր հաւատարիմ քաջալերողներէն սիրելի Տոքթ. Եսայի Յովհաննէս Աղայաշեանը (1948-2014): Լուռ ու մունջ գործող այս անզուգական բժիշկ-մտաւորականը, լայնախոհ հայրենասիրութեամբ ու համամարդկային սկզբունքներով տոգորուած՝ անսակարկ նուիրումով իր ծառայութիւնը մատուցեց ոչ միայն իր անմիջական շրջապատին, այլ նաեւ համայն հասարակութեան: Իր տիպարը առաւել եւս խորացուց լիբանանցի ժողովուրդին յարգանքն ու վստահութիւնը հայութեան նկատմամբ: Յաւերժ յարգանք իր յիշատակին: Որեւէ խմբագրական տժգոյն պիտի ըլլայ ի տես մեկնեալի դուստրին՝ **Դայլարի «ՄՐՏԻ ԽՕՍՔ»**ին որ արտասանուեցաւ քառասունքին: **Չայն կը ներկայացնենք մեր ընթերցողներուն:- Խմբ.****

Հօրս դիմանկարը ուրուագծելը այնքան հոգեպարարութիւն է, իսկ անոր դաստիարակութիւնը այնքան ուսանելի է, որ ամբողջ կեանք մը անհրաժեշտ է իրմէ՝ գոհանալու ու լիանալու:

## ՄՐՏԻ ԽՕՍՔ ԴՈՒՍՏՐԵՆ՝ ՍԻՐԵՑԵԱԼ ՀՕՐ

**Հոկտեմբեր 31-ին Keghart.com կորսնցուց իր հաւատարիմ քաջալերողներէն սիրելի Տոքթ. Եսայի Յովհաննէս Աղայաշեանը (1948-2014): Լուռ ու մունջ գործող այս անզուգական բժիշկ-մտաւորականը, լայնախոհ հայրենասիրութեամբ ու համամարդկային սկզբունքներով տոգորուած՝ անսակարկ նուիրումով իր ծառայութիւնը մատուցեց ոչ միայն իր անմիջական շրջապատին, այլ նաեւ համայն հասարակութեան: Իր տիպարը առաւել եւս խորացուց լիբանանցի ժողովուրդին յարգանքն ու վստահութիւնը հայութեան նկատմամբ: Յաւերժ յարգանք իր յիշատակին: Որեւէ խմբագրական տժգոյն պիտի ըլլայ ի տես մեկնեալի դուստրին՝ **Դայլարի «ՄՐՏԻ ԽՕՍՔ»**ին որ արտասանուեցաւ քառասունքին: **Չայն կը ներկայացնենք մեր ընթերցողներուն:- Խմբ.****

Հօրս դիմանկարը ուրուագծելը այնքան հոգեպարարութիւն է, իսկ անոր դաստիարակութիւնը այնքան ուսանելի է, որ ամբողջ կեանք մը անհրաժեշտ է իրմէ՝ գոհանալու ու լիանալու:

Ես փորձած եմ միշտ ՎԵՐԱՊՐԻԷ զինք եւ ԸԼԼԱԼ հետեւորդ մը իր օրինակելիութեան:


Որեւէ մէկը, որ կը ճանչնար հօրս, կ'անդրադառնար թէ ան դէմ յանդիման կը գտնուէր խոհեմ եւ իրատես մարդու մը հետ:

Վաղ տարիքէն, արդէն որոշած էր նուիրուիլ մարդկութեան, յատկապէս այն կարիքաւորներուն ու կարօտեալներուն, որոնք պէտք ունէին այդ հոգատարութեան, որուն համար յետագային ընտրեց

ազնուագոյն ասպարեզը՝ բժշկագիտութիւնը, բժշկածառայութիւնը:

Բացառիկ յաջողութեամբ աւարտեց իր բժշկական ուսումնառութիւնը, այն ալ բոլորովին նոր եւ օտար լեզուով մը՝ չեխերէն: Զբաւարարուեցաւ այդ ձեռք բերումով, այլ՝ յարատեւ ու մնայուն ճիգով, տիրացաւ բարձրագոյն տիտղոսներու՝ հոգեբուժական ու ջղային հիւանդութիւններու մարզերէն ներս, իր գիտելիքները միշտ խորացնելով, արդիականացնելով ու հարստացնելով, ... անդադար ընթերցելով, պրպտելով ու պեղելով, որովհետեւ համոզուած էր որ իր մասնագիտական ծառայութեան ճամբան կ'անցներ այդ փուլէն:

Իր այս աշխարհին մէջ, ան երջանիկ ու գոհունակ էր, սակայն մեզ կը յորդորէր չբաւարարուիլ միայն ձեռք ձգուած յաջողութիւններով, այլ ըլլալ մեր ինքնութեան տերն ու կրողը, քանի կը հաւատար թէ նուաճումները եւ յառաջդիմութիւնները սահման չունին, այլ՝ վճռակամութեամբ կը հասունանան ու կը դրսեւորուին:

Ահաւասիկ իսկական մարդ մը, որ համակ նուիրուածութեամբ ու ծառայութեամբ, առանց խտրականութեան՝ իր ընտանիքի անդամներուն, հարազատներուն, բարեկամներուն,  հիւանդներուն կամ ոեւէ մէկու մը միջեւ, իր դարմանումներով, խրատներով եւ օգնութիւններով դարձած էր տիպար մասնագէտ-անձնաւորութիւն մը:

Երբ ես փոքր էի ան կ'ըսէր, եթէ մէկը մեծնայ, ատիկա կը սկսի իր ընտանիքի փոքր միւսերումէն, իսկ երբ աւելի աճի, ատիկա կ'ընդգրկէ ազգային ու համամարդկային առաջադրանքները եւ անոնց գործադրութիւնը, պայմանաւ որ ենթական ըլլայ իր կոչումին եւ արժանապատուութեան հարազատ պատկերին արտայայտութիւնը:

Որպէս հոգեբոյժ, ան յաճախ մեզ կը յորդորէր երբեք չըլլալ անձնակեդրոն ու կրաւորական, այլ բաւարար իմաստութիւնը ունենալ փնտռելու ու գտնելու այն հնարքները, որոնք շրջապատին ու մարդկութեան առողջացման ու զարգացման կը նպաստեն:

Ան որքան ալ սկզբունքային ու զօրաւոր անհատականութեան տէր էր, նոյնքան ալ մեղմաբարոյ, բարեսիրտ ու ծառայասէր նկարագիրով մը օժտուած էր, դառնալով սիրելի ու վստահելի ամուսին, ծնողք, հայր, եղբայր, հորեղբայր, քեռայր, հարազատ ու մտերիմ:

Իր կանխահաս եւ անակնկալ մեկնումով, կարծես թէ կ'ուզէր մեզ ինչայլ յառաջացեալ տարիքի մը հաւանական դժուարութիւններէն, մեզ թելադրելով խորհրդածելու իր սիրած արաբ բանաստեղծ՝ Ալ Մութաննապի'ի այն իմաստուն խօսքերը, որոնք շահեկան եւ դաստիարակչական են:

Հայրս պիտի շարունակէ մեզ առաջնորդել իր մեծութեամբ ու զօրութեամբ եւ պիտի շարունակէ մնալ մեր անբաժան մասնիկը:

Դուն մեծ ու բացառիկ հայր մըն ես, մենք քեզմով միշտ հպարտ պիտի զգանք ու միշտ պիտի յիշենք քեզ, որովհետեւ բախտաւոր, երախտապարտ ու շնորհակալ ենք, որ մենք քու կեանքիդ մաս կազմած ենք:

Դուստրդ՝

Դավար Եսայի Աղապաշեան

Լոնտոն, 14 Դեկտեմբեր 2014

**Դավար Եսայի Աղապաշեան գեղանկարիչ է եւ բեղուն գործունեութիւն մը կը ծաւալէ Լոնտոնի մէջ:  
Հրամցուած գործը նմոյշ մըն է իր գունասկաւառակէն:**

